



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Tel: 032 650 022 www.opcina-tesanj.ba
032 650 547 E-mail: optesanj@bih.net.ba
Fax: 032 650 220 fuad.sisic@opcina-tesanj.ba

Trg Alije Izetbegovića 11,
74260 Tešanj

Broj: 02-49-2-1017/12

Datum: 29.03.2012. godine

Na osnovu Budžeta Općine Tešanj za 2012. godinu ("Službeni glasnik Općine Tešanj" broj 10/11), Odluke o izvršavanju Budžeta Općine Tešanj za 2012. godinu ("Službeni glasnik Općine Tešanj" broj 10/11) i člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik objavljuje

JAVNI POZIV za najbolje poslovne ideje za mlade ljude

Projekat „Najbolje poslovne ideje za mlade“ Općine Tešanj, u suštini, ne predstavlja samo takmičenje između projekata za novi biznis nego je usmjeren ka poticanju mladim ljudima da sami osnivaju preduzeća ili obrt.

Organizaciju ovog projekta vodi Općina Tešanj na temelju ciljeva iz strateških dokumenata Općine Tešanj. Ovim programom su definisane pojedinosti u smislu uslova za učešće na takmičenju, organizacija takmičenja i načina za odabir pobjedničkih ideja kao i sklapanje ugovora za one koji odluče krenuti sa realizacijom dostavljenog biznis plana.

KO MOŽE APLICIRATI?

Na konkursu mogu da učestvuju fizička lica, pojedinačno ili u grupi, koji se u momentu podnošenja prijave ne mogu okarakterisati kao poduzetnici iako su to nekada bili. Prijave mogu podnijeti punoljetne osobe do 35 godina starosti, sa prebivalištem na području općine Tešanj, koje imaju interesantnu poslovnu ideju i žele je realizovati kroz započinjanje sopstvenog poslovnog poduhvata na području općine Tešanj. Očekuje se i ohrabruje prijavljivanje i učešće timova u kojima je oko jedne poslovne ideje okupljeno više osoba. Šansa da biznis plan bude realizovan, uz saglasnost podnosioca plana (u slučaju da podnosilac plana ne odluči ući u realizaciju biznis-plana), je veća ukoliko biznis – plan bude imao sve relevantne i realne pokazatelje uspješnosti. Jedan Tim, odnosno samostalni podnosilac, može prijaviti više biznis planova. Ista osoba ne može biti član dva Tima, niti istovremeno prijaviti ideju kao samostalni podnosilac i biti član jednog Tima.

KO NE MOŽE APLICIRATI?

Prijave aplikacija se neće primati od osoba starijih od 35 godina. Nepotpune i neblagovremene prijave se neće uzimati u razmatranje.

KAKVA SE IDEJA MOŽE OBRADITI KROZ BIZNIS PLAN?

Ideja koja se prijavljuje mora se obraditi kao biznis-plan, ideje u svim djelatnostima osim trgovine i ugostiteljstva (izuzev originalnih ideja vezanih za turizam i domaće proizvode) pod uslovom da se realizuje na području općine Tešanj. Zamišljenu poslovnu ideju treba pretočiti u biznis plan prema originalnom obrascu prijave (u daljem tekstu Prijava, prilog broj 1) koji je sastavni dio ovog Programa i na način kako je to obrazloženo u "Uputstvu o načinu popunjavanja prijave" koje se nalazi u prilogu broj 2 ovog Programa. Poslovna ideja mora biti predata pod šifrom, a šifra sa imenom i prezimenom predata posebno u zatvorenoj koverti. Odgovornost za originalnost poslovne ideje je isključivo na podnosiocu ideje.

KOMISIJA ZA OCJENJIVANJE

Komisija za ocjenjivanje dostavljenih poslovnih planova će biti u sastavu:

Smail Ramović, direktor firme Mann+Hummel BA, predsjedavajući

Muharem Sejdić, vlasnik firme „Kotex“, član
Rusmir Hrvić, direktor firme „AS“, član
Suad Roša, direktor firma „Alpina-Bromy“, član
Amir Šišić, direktor firme „Napredak“, član
Edin Jabandžić, direktor firme „MADI“, član
Osmo Saračević, predsjednik udruženja privrednika „Biznis centar“, član.

Komisija će izvršiti vrednovanje biznis-planova prema jedinstvenim kriterijima a daće prednost nezaposlenim podnosiocima planovima kao i timskim prijedlozima, ukoliko je utvrđen približan kvalitet podnesenih planova (do 5%).

PRVA FAZA

Javni poziv je otvoren od 02. aprila 2012. godine. Prijem aplikacija će se vršiti od 15. maja do 29. juna 2012. godine.

DRUGA FAZA

Objava rezultata javnog poziva će se izvršiti 25. jula 2012. godine. Objava će se izvršiti sa Listom pristiglih poslovnih planova za koje podnosilac plana želi ići u realizaciju, i Listom pristiglih poslovnih planova za koje je podnosilac plana saglasan da se isti ponudi za realizaciju drugim osobama.

TREĆA FAZA

Sklapanje ugovora sa podnosiocima zahtjeva u kojima će se definisati prava i obaveze Općine Tešanj i podnosioca aplikacije.

TAJNOST I POVJERLJIVOST POSLOVNOG PLANA

Da bi se zaštitili svi podnosioci aplikacija i onemogućila zloupotreba povjerljivih informacija izloženih u poslovnim planovima, članovi Radne grupe za ocjenjivanje i zaposleni u Općini Tešanj i druge osobe koje su uključene u realizaciju ovog Programa obavezuju se na zaštitu povjerljivosti i tajnost

PODRŠKA OPĆINE TEŠANJ

Općina će tokom javnog poziva osigurati edukaciju za sve zainteresovane u pogledu popune obrasca aplikacije i odgovoriti na sva dodatna pitanja. Prva edukacija će se održati 23. aprila 2012. godini, u Sali Općinskog vijeća, sa početkom u 14,00 sati. Druge edukacije će se održati prema iskazanom interesu. Uz ovaj poziv na općinskoj web strani se nalazi i jedan primjer popunjene aplikacije. Općina Tešanj će osigurati za uspješno ocjenjene bisnis planove troškove registracije firme, dio ili u cjelosti troškove zakupnine prostora u prve tri godine obavljanja djelatnosti, te dio ili cjelosti trošak zdravstvenog i penzionog osiguranja u prvoj godini obavljanja djelatnosti. Ukoliko biznis plan bude uspješno ocjenjen a podnosilac biznis-plana nije spreman isti sam realizovati, takav plan će se ponuditi bilo kome za realizaciju uz dogovorenu naknadu sa podnosiocem aplikacije. Općina Tešanj će podnosiocima biznis-planova, koji budu uspješno ocjenjeni, uputiti na određene adrese radi podrške izvora finansiranja.

CILJEVI JAVNOG POZIVA

Probuditi preduzetnički duh među mladim ljudima, motivisati studente, početnike i kreativne pojedince sa inovativnim i provedivim poslovnim idejama, obuka o procesu stvaranja novih poslovnih mogućnosti, omogućiti mladim ljudima stvarno pokretanje vlastitog posla.

KONTAKT

Telefon: 032/650-022

mail: mirnes.dedukic@opcina-tesanj.ba

E: www.opcina-tesanj.ba

Prijave slati preporučeno na adresu: Općina Tešanj, Trga Alije Izetbegovića 11, 74260 Tešanj ili lično predati u Šalter sali Općine.

Dostavljeno:

1. Mediji
2. Arhiva

OPĆINSKI NAČELNIK
Fuad Šišić, dipl. ing. maš.